

B. Euruupan neuston ministerikomiteen suosituksia Määräyksen käyttämisestä Ruottissa

Ministerikomiteen suositus RecChL(2011)3 Euruupan neuston maanosa- eli minuriteettikielimääräyksen käyttämisestä Ruottissa

(Ministerikomitee hyväksynny 12 oktuuperia 2011 heän 1123:ssa kokkoksessa ampasatöörillen kans)

Ministerikomitee,
Euruupan neuston määräyksen maanosa- eli minuriteettikielistä 16 artikkelin mukhaan; ko oon otettu huomihoon Ruottin teklarasuuni tehty 9 fepryaaria 2000; ko oon mietitty Eksperttikomiteen arviointi Määräyksestä ja otettu huomihoon mitenkä määräystä käytethään Ruottissa; ko ottaa huomihoon ette tämä arviointi perustuu tiethoin jotka Ruotti oon antanu omassa kansalisessa raportissa, lisätiethoin Ruottin viranomhaisilta, tiethoin jotka tunnustetut orkaanit ja yhtheisöt Ruottissa oon antanheet, ja tiethoin jotka Eksperttikomitee oon saanu omila käynilhään; ko oon miettiny Ruottin viranomhaisitten komentaaria Eksperttikomiteen raportissa; suosittellee Ruottin viranomhaisia ette net pitävät mielessä kaikki Eksperttikomiteen havanot ja suositukset ja päättävät priuriteerata:

1. ette parantaa kaikitten maanosa- eli minuriteettikielitten koulutusta, hyväksymällä yksityiskohtasen ja strykyreeratun menetelmän, joka perustuu puhujitten tarpheishiin ja kielitten tilantheesheen;
2. ette varmistautua siitä ette "äitin-kielen" opetus täyttää Määräyksen vaatimukset ja tarjoaa kunnan ja asianmukhaisen kielenopetuksen, niin ette oppilhaat saavat täyelisen luku- ja kirjutustaion kysseessä olevissa kielissä;
3. ette kaksikielistä opetusta suomen ja saamen kielissä lisäthään, ja ette

kaksikielistä opetusta meänkielessä saahan aikaan;

4. ette laatia asianmukhainen opettajakoulutus jossa oon tarpheeksi resyrsiä kaikile maanosa- eli minuriteettikielile;
5. ette tehä oppimateriaalia kaikile maanosa- eli minuriteettikielile.